

Novo Vijeće ministara da pokrene zemlju naprijed



Sada kada je konačno formirano novo Vijeće ministara, OHR očekuje da ono odmah počne preduzimati potrebne korake da ovu zemlju pokrene naprijed u skladu sa njenim obavezama i deklariranim ciljevima.

Puno poštivanje i kontinuirano provođenje Općeg okvirnog sporazuma za mir, fokusiran i ubrzan reformski put, uključujući i unapređenje ekonomije, vladavine prava, ljudskih prava i borbe protiv korupcije – to je ono što treba Bosni i Hercegovini i što se očekuje od Vijeća ministara BiH da realizira. Osim ovih prioriteta, očekivanja građana BiH također idu u pravcu da se vrijeme izgubljeno u proteklih petnaest mjeseci mora nadoknaditi.

Kako bi se ostvario taj cilj, usvajanje dovoljno velikog budžeta za 2020. godinu na nivou koji omogućava institucijama BiH da izvršavaju svoje ustavne i zakonske obaveze bio bi ključni instrument Vijeća ministara BiH.